



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

Dominica secunda

[urn:nbn:de:hbz:466:1-52716](#)

Instructio meritoria.

In Antecessum recitemus in honorem
& amorem totius ætatis Christi 33. Pa-
ter & Ave cum Canto : Benedicte
omnia opera Domini Domino. Nostrum
vivere sit continuum laudare Redem-
ptorem.

Dominica II. Quadragesimæ.

EXHORTATIUNCULA I.

Agitur in hodierno Evangelio de be-
neficio vocationis. Sciat ergo fi-
lius ex ore Apostolici Doctoris, ipsum
non vocatum esse in inmunditiam, sed in
sanctificationem in Christo Jesu Domi-
no Deo. *Et haec est voluntas Dei san-
ctificatio vestra.*

Instructio meritoria.

Ut in statu suo totus ambulet purus,
& sanctificatus, coram Sanctissimo reci-
tet Lytania de dulcissimo Nominе Jesu:
vel locò harum 15. Pater & Ave in ve-
nerationem s. litterarum, quibus con-
stat Nomen Jesu. In hoc Nominе salus.

II. Vi-

II.

VIdit Petrus transfiguratum Domi-
num, & gaudens clamavit : Do-
mine ! bonum est, nos hic esse. Quale,
& quantum gaudium erit, videre faciem
desideratam Domini, solis instar fulgen-
tem ? quanta lœtitia gloriae Conditoris
assistere, & incircumscripum lumen vi-
dere ? fili ! nondum cupimus dissolvi ?

Instructio meritoria.

Sursum corda ! elevemus ad nostram
patriam. Hic permanentem non habe-
mus. Ut eò crescant desideria, recitemus
Psalmum : *Quam dilecta tabernacula.*
Sicutque quotidiana à manè tessera : *Cupio
dissolvi, & esse cum Christo.*

III.

OJesu humilitatem ! præcepit disci-
pulis : *Nemini dixeritis visionem,*
quam vidistis. Christus fugit vanam
gloriam : Et ambiat homo ? peccator ?
pulvis, & cinis ?

Instructio meritoria.

Satisfaciamus pro nostra superbia, re-
citantes *Cursum Marianum*, & assuesca-
mus

mus cuilibet peracto operi virtutis sub-
jungere verba Davidis : *Non nobis Do-
mine! non nobis : Sed Nomini tuo da
gloriam.* Pauca sunt : ne negligas.

Dominica III. Quadragesimæ.

EXHORTATIUNCULA I.

Quid Magister Cœlestis docet in ho-
dierno Evangelio ? audiamus : ver-
ba sunt ista : *Qui non colligit mecum,
dispersit . Et qui non est mecum , con-
tra me est.* En ! recollectionem com-
mendat animi , sine qua nulla pax , nulla
mentis tranquillitas . Fili ! quid egimus
toties in oculis Dei distracti ? toties va-
gabundi ?

Instructio meritoria.

Claudamus oculos , & erit nobiscum
Jesus. Deprecemur nostras distractio-
nes & evagationes tempore orationis,
meditationis toties admissas , & in satis-
factionem *Rosarium dolorosum* clausis
oculis , & expansis brachiis recitemus.
State cogitationes ! Deus nos vocat.

II. Dæ-